


臺海采風圖考

地 320
934
部 =

臺海采風圖考



臺海采風圖考序



攷古伯翳著山海經桑欽撰水經諸史地理有
志爰及十洲記風土記南越志九州異域志諸
書徃徃散紀海外事凡名人使絕域外島亦每
彙其群碎清異者而錄之蓋以考異俗資宏覽
也臺灣古傳毘舍邠國荷蘭以一牛皮占之繼
則鄭逆據土立郡縣康熙二十有二年我
朝聲威震讐航師直下遂回首面向隸閩版圖焉

臺海采風圖考

序一

一

乾隆癸亥冬余奉

天子命來巡斯土烟波縹渺蛟蜃混濔之區有大都
會焉林林總總莫不蒸然向化仰見

聖治昭宣無遠不屆小臣不才惟有勤宣

朝廷愛養德意夙夜不敢自違間及採方閭俗物
產之異種種怪特多中土所未見者始信區宇
之廣其間何所不有公餘之暇即黃侍御玉圃
使槎錄所繪物產間以已意為增損作臺海采

風圖考一卷非以誇奔瀾洶湧之川嶺屹決潏
之野謂極世間險阻瓌偉超曠之觀凡以物土
所宜風俗所尚亦足以表
聲教之訖獻雉貢焚無煩重譯也弄諸行篋歸質
于京華博雅君子或亦有以廸寡昧而廣集益
也夫是為序

蘭亭

乾隆十一年仲春白麓六十七書于使署之佩

臺海采風圖考卷一

白麓六十七居魯甫著

安平晚渡

安平距郡治隔一衣帶水為臺之門戶設協標三營以轄之烟火叢集商賈往來居然一大聚落矣當晚景鮮和清風淡蕩水波不興碧淪漪綠霞綺映紅城堞參差夕陽猶在而歸人爭渡鴉噪蟬鳴不可謂非勝地也前觀察高拱乾有詩云日脚紅昇壘烟中喚臺海采風圖考

一

渡聲一鉤新月淺幾幅淡帆輕岸濶天遙暝風微浪不生漁樵爭去路總是畫圖情今副使莊年有詩云笳聲互動日沉西一片蒼茫暮靄低夕照城邊催渡急晚烟風裏裏帆齊水寒弄影光搖月潮長移舟浪拍隄却怪羣鴉棲不定參差樓堞望中迷彰化令陸廣霖亦有詩云高城極目勢蒼茫向晚歸人一葦航月淨波光浮遠白霞啣帆影帶昏黃參差樓閣迷雲樹掩映漁燈上女牆市井只今誇極盛可知濟渡賴

津梁

沙鯤漁火

七鯤身累如貫珠沙線隱伏拱護臺郡以為屏蓋自然之天險也地有沙磧而淺有澄潭而深有窪而下有聳而高舟人漁子悉集舫採捕于此初昏月未上時遠火星星或映林而半碧或疊艦而聯紅或帶霧而朦朧或隨風而隱顯俄頃間變幻百出高觀察有詩云海岸沙如雪漁燈夜若星依稀明月浦隱躍白

臺海采風圖考

二

沙汀鮫室寒猶織龍宮照欲醒烹魚沈醉後何處曉峯青莊副使有詩云一帶沙平水亦停漁舟鱗集傍遙汀寥天夜黑難邀月極浦燈紅若聚星網燧素微穿燭火波回歷亂盪流螢遠山欲看模糊甚近岫還留半朶青彰化令陸廣霖亦有詩云高掛絲綸新月鉤沙汀隱現泊漁舟烟籠小艇連檣語風起孤篷一葉秋倒映水光星錯落斜聯螢火影沉浮銀燈合向銀河瀉絕似吳江古渡頭

鹿耳春潮

昔人每以望海為大觀臺郡觀海莫如鹿耳當春潮
盛發之時滾滾汨汨浴日蕩雲騰波赴勢洶流決滾
莫不來注天輪膠戾而激轉地軸挺拔而爭廻或溢
浪揚浮隨流泛轉或決帆摧撞望濤遠決或電掣雷
奔莫禦或輕塵纖羅不動氣概萬千何奇不有何怪
不儲蓋鹿耳為臺郡出入必由故曰門也其下為鐵
樵舟觸之立碎榜人用棹標盪纓以為之識云高觀

臺海米風園考

三

察有詩云海門雄鹿耳春色共潮來二月青郊外千
盤白雪堆線看沙欲斷射擬弩齊開獨喜西歸舶爭
隨落處回莊副使亦有詩云桃花春漲浪如洊與洪
鹿耳門高勢更雄殊死千軍嚴破陣凌虛萬木怒號
風欲深不信纓猶盪沙走還知海欲東盛氣漸平羣
籟寂恬波依舊暖融融

鷄籠積雪

臺郡地暖少雪相傳康熙二十二年平臺後大雨雪

蓋土宇既歸一統而天氣亦為之應故也自是則罕
矣故居人諺曰四時皆是夏一雨便成秋信哉獨北
路鷄籠極冷冬有積雪地故有城為荷蘭所築偽鄭
既毀復重修之其地居淡水上游渡小海始至故同
一疆域南恒燠而北恒寒有不可以一例視者高觀
察有詩云北去二千里寒峰天外橫長年紺雪在半
夜碧鷄鳴翠共峨眉積炎消瘴海清丹爐和石煉漫
擬玉梯行莊副使亦有詩云迥殊漠北子卿身六出
臺海米風圖考

四

何來伴雁臣排闥一峯疑砌玉凝眸幾點恍堆銀炎
方特為開生面羈宦渾如遇故人金碧山川都看盡
檣頭畫稿覺翻新

東溟曉日

臺地居極東云鷄籠山下為萬水朝東之域古所謂
暘谷扶桑或亦相距不遠故觀曰此地為最近其初
升也霞標矗立雲彩彌綸朱歛綠烟渚漾蕩滿熺炭
騰燔于大冶火齊明耀于重淵曠皎曠忽不可正視

杜工部詩云衆流歸海意萬國奉君心蓋不啻望
關心懸云高觀察有詩云海上看朝日山間聽曉鐘
天開無際色人在最高峰紫閣催粧鏡咸池駭浴龍
風流靈運句灼灼照芙蓉莊副使亦有詩云尾閭東
溟浩無邊初旭俄將黑霧穿幾度欲升猶半隱須臾
一躍似空懸潛銷蜃氣金光燦倒射鯨波血色鮮自
是中天多瑞彩蟄龍寧敢抱珠眠

西嶼落霞

臺海采風圖考

五

西嶼為澎湖三十六島之一其地最高為入臺標準
當晚涼之候夕陽斜界風色輕颺霞光班駁映水成
文登其巔呼吸可通帝座正可攜謝句搔首問天視
王子安落霞孤鶩之規規于較量其氣象之大小有
不侔者耳高觀察有詩云孤嶼澎湖近晴霞返照時
秋高移絳樹海晏捲朱旗孫楚城頭賦劉郎江上詩
淋漓五彩筆直欲補天虧莊副使亦有詩云殘照無
多日漸沉餘霞散綺滿西岑不隨孤鶩飛江渚偏逐

歸鴉落樹林斜度微雲千片不淡依新月一鉤金欲
餐自愧慚中散

選詩中散不偶
世本是餐霞人

執掌風塵思不禁

澄臺觀海

臺郡自赤嵌城外殊少高明眺望之處前觀察高君
拱乾於署後築澄臺以望海余嘗登其上遠則東溟
景象豁然心目近則烟雲沙鳥皆在襟帶間為登臨
最勝處高觀察有詩云有懷同海濶無事得臺高瓜
憶安期棗山驅太白鰲鴻濛歸紫貝腥穢滌紅毛濟

臺海采風圖考

六

涉平生意何辭舟楫勞莊副使有詩云簿書笥束若
相纏乘興登臺意豁然烟靄光中三面水晴雲影裏
四垂天瀟茫境界憑欄外浩蕩滄溟落照前極目波
濤渺無際笑他精衛若何填彰化令陸廣霖有詩云
煙波縹緲水漫漫高閣登臨面面寒收拾崑崙千派
合劃開江漢四圍寬塵氛不向壘靈發

壘靈鼻神字
見黃庭經

寰宇全歸掌握者憑眺頓教心地遠擬將浩瀚寫毫
端余亦有詩云層臺爽氣豁雙眸遠望滄溟萬頃收

赤霧邙將紅日暮銀濤拍破碧雲秋鷗鵬飛擊三千
水島與平堆十二樓極目神州渺無際東南形勝此
間浮

斐亭聽濤

由澄臺而北行數十武為斐亭四面環植脩竹清陰
滿地翠色宜人擁襟拂石而坐乍聞濤聲有崩雷裂
石之奇昔高觀察於康熙甲戌作是亭兵燹後亭廢
今副使莊公循其舊址重築草亭始復舊觀高觀察
臺海采風圖考

七

有詩云島居多異籟大半是濤鳴試向竹亭聽全非
松閣聲人傳滄海嘯客訝不周傾消息清談倦如驅
百萬兵莊副使有詩云纔聽朝潮又暮潮終濤聲裏
竹蕭蕭千竿不藉風搖曳萬弩何當影寂寥豈必林
泉甘漱石却因烟月憶吹簫星躔舊是揚州路流水
應過廿四橋臺灣分野牛諸羅令林莖有詩云曾趨
官閣待春潮笑語渾疑燕夢蕭乍聽怒濤雲浩遠
看良月夜寥寥早知沙上無寒雁可有仙人倚洞簫

此日瀛壖成夢想天邊誰與度銀橋林時方罷職云彰化
令陸廣霖亦有詩云疎影蕭蕭萬籟平江亭忽聽怒
濤鳴乍疑簷角風敲玉頓覺叢中浪拍城島與波洄
憑竹報簷簷聲寂待潮生遠臣仰沐澄清久跨海鯨
鯨靜不驚

勸農

臺地四時皆可播穀獨郡中園地祇種埔占名稻於六
七月種十月收土人謂之百日赤侍御范咸有詩云

臺海米風圖考

八

園地慣收百日赤林間無改四時青是也每歲六月
雨巡方御史勸農多在東郊鯽魚潭李氏園瀛壖百
咏云李氏園近先農壇主人築小亭曰聚星綠疇四
繞青嶂當窓臺地官僚省耕皆憇於此侍御張涓有
詩云梧竹陰森護短垣羣峯飛落聚星園海翁九十
髮如鶴門外水田秋稼繁又給諫楊二酉有東郊勸
農詩云時雨既已足命駕東郊行豈不嗜游覽所重
在民生涼影走虹練深竹鳴催耕秧馬踏畦碧麥浪

楊疇平村烟間籬落耆老歡相迎烽消省煩役賦薄
無苛征復此兆有年談笑嘗君羹殘陽搖旆色鷄犬
含餘情

賞番

巡使按年巡歷南北二路撫賞番黎宣布

聖澤凡至一社土官婦女遠迎馬前意甚誠切有跪
獻都都者張侍御有詩云爭迎使節共歡呼驄馬前
頭衆婦趨首頂糴盤陳野食大官曾未識都都按都

臺海來風圖考

九

都與內地糴團畧同

竊花

志稱正月元夜未字之女偷折人家花枝竹葉為人
詬詈謂異日必得佳婿范侍御有二絕句云女郎元
夜踏蒼苔攀折青枝笑落梅底事含羞佯不采月明
犬吠有人來難將心事語人知暗祝燈前有所思為
是傾城顏色好不教開到落花時

蒙面

臺俗負販之徒率用青藍布數尺裹頭以代冠婦女
靚粧入市無肩輿以傘蒙首而行傘為雨具而以障
面雖晴旦及晡後亦擁之習慣為常初見亦愕異也
張侍御有詩云香車碧幃紛紜擁蓋微行擬鄂君
一隊新粧相掩映紅蕖葉底避斜曛

祝七娘

七夕呼為巧節家供織女稱為七星娘紙糊綵亭晚
備花粉香果酒醴三牲鴨蛋七枚飯七碗命道士祭
臺海采風圖考

十

獻畢則將端陽男女所結絲縷剪斷同花粉擲於屋
上食螺螄以為明目黃豆煮熟洋糖拌裹及龍眼芋
頭相贈貽名曰結緣張侍御有詩云露重風輕七夕
涼魁星高燕共稱觴幽窓還聽喁喁語花果香燈祝
七娘

臺俗七夕中秋重
陽儒生俱祀魁星

祀魁星

重陽前後競放紙鳶如內地春月是日儒生有殺犬
取其首以祀魁星者餘肉則生徒聚啖歡飲竟日范

侍御有最怪香燈誇七夕三家村里祀奎星之句

放水燈

七月十五日亦為盂蘭會數日前好事者醵金為首
曰頭家延僧衆于各廟作道場結臺高丈餘陳設猪
羊餅餌香檯柚子蕉果黃梨鮮薑堆盤高二三尺至
夜分放水燈為紙燈千百晚於海邊然之頭家幾人
則各手放第一盞或捐中番錢一番錢來自咬留吧
大者重七錢三分
中者重三
錢六分或減半置於燈內衆燈齊然沿海漁船爭

臺海采風圖考

十一

相攫取得者謂一年大順沿街或三五十家為一局
張燈結綵陳設圖畫玩器鑼鼓喧雜觀者如堵二日
事畢命優人演劇以為樂謂之壓醮尾月盡方罷余
有詩一律云楚人尚鬼習相仍高會盂蘭放佛燈釋
氏金蓮三十里石家銀燭百千層獨醒難挽浮靡俗
空色渾疑清淨僧最怪莊嚴成劫奪肉山還有酒如
甌

焚紙虎

郡人除夕殺黑鴨以祭神謂其壓除一歲凶事為紙
虎口內實以鴨血或猪血生肉於門外燒之以禳除
不祥見郡志范侍御有二絕句云階前金薄印於菟
燃火焚香達九衢好趁春前辟虛耗新年事事要懽
娛死虎猶能致毒龍精誠大府慰三農閩省祈雨撫
軍命以虎骨
投龍潭中閩閩莫怪還驅鬼壓煞迎神重季冬
果得雨

刺桐

刺桐花葉似桐而幹多刺二三月間花開殷紅泉州

臺海采風圖考

十二

志云刺桐先葉後花則五穀豐熟丁謂有詩云聞得
鄉人說刺桐花如後發始年豐我今至此憂民切只
愛青青不愛紅今此花臺地遍處有之樹大可以為
蔭細察葉始萌芽花即隨發故臺志以為先花後葉
土人相傳辛丑之變康熙六十年臺
匪朱一貴作亂刺桐無一着花
者孫司馬未嵌集云刺桐花色紅如火環繞營署春
仲始花一望無際實為臺郡大觀故稱刺桐城有二
絕句云春色燒空白海涯柳營繞遍到山家崑崙霞

吐千層艷華嶽蓮開十丈花百朵紅蕉簇一枝偶然
著葉也相宜烟籠絳羽鸚哥舞鸚哥南稱花為信是春城
火樹奇

賴桐

賴桐花藤本高不盈丈葉似桐花紅如火一穗數十
朵五月開最盛土人于競渡時必採數枝供瓶案故
俗又名龍船花開至隆冬不止結子色藍子老而花
辦尚未凋余有詩云幹柔葉厚碧痕濃色艷還看花

臺海采風圖考

十三

發重朱萼臨風迷紫蝶丹鬚和露抱黃蜂剪殘紅錦
枝頭見敲碎珊瑚月下逢好是年年誇競渡鮮妍如
火映魚龍

扶桑

扶桑花木本不甚高似木槿而四時着花有朱紅深
黃二色光彩陸離其開放最大者與鸚果無二一名
拒霜蓋凌冬不凋也嵇含草木狀云扶桑花深紅色
五出大如蜀葵重數柔澤有藥一條長如花葉上綴